



სსიპ საქართველოს ტექნიკური უნივერსიტეტის რექტორის

ბრძანება № 01-09-10 / 101

ქ. თბილისი

18 08 2020 წ.

სტუ-ში 2020 წლის 27 აგვისტოს პროფესიული ტესტირების ჩატარების შესახებ

“პროფესიული განათლების შესახებ” საქართველოს კანონის და საქართველოს განათლებისა და მეცნიერების მინისტრის 2013 წლის 27 სექტემბრის „პროფესიული ტესტირების ჩატარების დებულების დამტკიცების თაობაზე“ №152/ნ ბრძანების საფუძველზე

ვ ბ რ ძ ა ნ ე ბ :

1. განისაზღვროს 2020 წლის საშემოდგომო მიღებაზე საქართველოს ტექნიკური უნივერსიტეტის პროფესიული საგანმანათლებლო პროგრამის „ფეხსაცმლისა და ტყავის ნაკეთობათა წარმოება“ აპლიკანტთა ჩარიცხვის მიზნით ჩასატარებელი ტესტირების პროცედურა №1 დანართის შესაბამისად.
2. ტესტირება ჩატარდეს კომპიუტერის საშუალებით სტუ-ის საგამოცდო ცენტრში (ქ.თბილისი, მ. კოსტავას N68) 2020 წლის 27 აგვისტოს 11:00 სთ. ტესტირების ხანგრძლივობა განისაზღვროს 120 წუთით, ტესტირების შედეგები აპლიკანტებისათვის ცნობილი ხდება ტესტირების დამთავრებისთანვე.
3. განისაზღვროს ტესტირების ფარგლებში წარმოშობილი პრეტენზიების განხილვის წესი №2 დანართის შესაბამისად.
4. დამტკიცდეს ტესტირების საპრეტენზიო კომისიის შემადგენლობა №3 დანართის შესაბამისად.

5. ტესტირებაზე დაიშვება პირი, რომელსაც გავლილი აქვს ელექტრონული რეგისტრაცია და წარმოადგენს პირადობის მოწმობას.
6. ტესტირების შედეგების შესახებ აპლიკანტს შეუძლია საპრეტენზიო განცხადება წარადგინოს ტესტირების ჩატარების ადგილზე იმავე დღეს, 16:00 საათამდე.
7. პრეტენზიების განხილვა დაიწყოს 2020 წლის 31 აგვისტოს 11:00 საათიდან. მიღებული გადაწყვეტილება ეცნობოს აპლიკანტს განხილვის დამთავრებისთანავე.
8. პირი, რომელიც წარმატებით გადალახავს ტესტირებას, ვალდებულია ფაკულტეტზე გაიაროს აკადემიური და ფინანსური რეგისტრაცია, რისთვისაც უნდა წარმოადგინოს პირადობის დამადასტურებელი საბუთი და ზოგადი განათლების ატესტატი.
9. პირი, რომელიც ვერ შეასრულებს ამ ბრძანებით გათვალისწინებულ მეტ პუნქტით განსაზღვრულ მოთხოვნებს, ფაკულტეტის დეკანის წარდგინებით, წინასწარი გაფრთხილების გარეშე, შეუჩერდება სტუდენტის სტატუსი.
10. კონტროლი ბრძანების შესრულებაზე დაევალოს სტუ-ის ვიცე-რექტორს ლ. კლიმიაშვილს.
11. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი

დ. გურგენიძე

**2020 წლის საშემოდგომო მიღებაზე საქართველოს ტექნიკური
უნივერსიტეტის პროფესიული
საგანმანათლებლო პროგრამის „ფეხსაცმლისა და ტყავის ნაკეთობათა წარმოება“
ჩარიცხვის მიზნით ჩასატარებელი ტესტირების პროცედურა**

მუხლი 1. აპლიკანტის უფლებები და ვალდებულებები ტესტირებისას

1. საქართველოს ტექნიკური უნივერსიტეტის მიერ ორგანიზებული ტესტირების (შემდგომში ტესტირება) ჩაბარების მიზნით, აპლიკანტი ვალდებულია დროულად გამოცხადდეს სტუ-ში რეგისტრაციაზე და ტესტირებაზე.
2. დაგვიანების შემთხვევაში აპლიკანტი არ დაიშვება რეგისტრაციასა და ტესტირებაზე.
3. პირბადის არ ქონის შემთხვევაში აპლიკანტი არ დაიშვება რეგისტრაციასა და ტესტირებაზე.
4. ტესტირების დროს აპლიკანტს უფლება აქვს თან იქონიოს:
 - ა) წყალი;
 - ბ) პირადი ჰიგიენის საგნები;
 - გ) საჭიროების შემთხვევაში სხვა ნივთები, სტუ-ს ტესტირების კომისიის წინასწარი თანხმობით.
5. ტესტირების დროს აპლიკანტს ეკრალება:
 - ა) პირბადის მოხსნა;
 - ბ) სოციალური დისტანციის დარღვევა;
 - გ) მობილური ტელეფონის ან სხვა ელექტრონული მოწყობილობის ქონა;
 - დ) დამხმარე მასალის – სახელმძღვანელოების, ჩანაწერების, ფურცლების და სხვათა გამოყენება, გარდა სტუ-ს ტესტირების კომისიის მიერ შეთავაზებული ნივთებისა;
 - ე) გადალაპარაკება, დახმარების გაწევა ან მიღება რაიმე ფორმით, სხვა აპლიკანტისათვის რაიმე ფორმით ხელის შეშლა;
 - ვ) სამუშაო ადგილის უნებართვოდ დატოვება. სამუშაო ადგილის დატოვება შესაძლებელია მხოლოდ კომისიის წებართვით, თანმხლებ პირთან ერთად;
 - ზ) მუშაობის დაწყება შესაბამისი მითითების გარეშე;
 - თ) საზოგადოებრივი წესრიგის დარღვევა.

მუხლი 2. ტესტირების დროს წესის დარღვევა

1. ტესტირების დროს აპლიკანტი მიიღებს გაფრთხილებას ამ პროცედურის პირველი მუხლის მე-5 პუნქტებით გათვალისწინებული მოთხოვნების დარღვევის შემთხვევაში.
2. ამ პროცედურის პირველი მუხლის მე-5 პუნქტებით გათვალისწინებული მოთხოვნების დარღვევის განმეორების შემთხვევაში აპლიკანტი მოიხსნება ტესტირებიდან.

მუხლი 3. ტესტირების ფორმა

1. ტესტირება ტარდება სტუ-ს საგამოცდო ცენტრში.
2. აპლიკანტმა უნდა შეასრულოს მისთვის განკუთვნილი ტესტური დავალება.
3. ტესტირების ხანგრძლივობაა 120 წუთი.
4. აპლიკანტს პროფესიული ტესტირება გადალახულად ჩაეთვლება, თუ ის დააგროვებს 25 ქულაზე მეტს.

ტესტირების ფარგლებში წარმოშობილი პრეტენზიების განხილვის წესი

მუხლი 1. საპრეტენზიო კომისია

1. სტუ-ს მიერ ორგანიზებული ტესტირების (შემდგომში ტესტირება) ფარგლებში წარმოშობილი პრეტენზიები განიხილება წინამდებარე ბრძანებით შექმნილი საპრეტენზიო კომისიის მიერ.

მუხლი 2. საპრეტენზიო კომისიის რეგლამენტი

1. საპრეტენზიო კომისიის სხდომას იწვევს და უძღვება საპრეტენზიო კომისიის თავმჯდომარე.

3. საპრეტენზიო კომისია პრეტენზიებთან დაკავშირებით გადაწყვეტილებას იღებს წინამდებარე ბრძანებით განსაზღვრულ ვადებში.

4. საპრეტენზიო კომისიის სხდომა უფლებამოსილია, თუ მას ესწრება წევრთა სრული შემადგენლობის უმრავლესობა. საპრეტენზიო კომისიის გადაწყვეტილებები მიიღება კომისიის სხდომაზე დამსწრე წევრთა ხმათა უმრავლესობით.

5. საპრეტენზიო კომისიის სხდომაზე ფორმდება სხდომის ოქმი, რომელსაც ხელს აწერს საპრეტენზიო კომისიის თავმჯდომარე და კომისიის წევრები.

მუხლი 3. ტესტირების ფარგლებში წარმოშობილი დარღვევების გასაჩივრება

1. ტესტირების ფარგლებში წარმოშობილი დარღვევის ფაქტის თაობაზე, აპლიკანტი უფლებამოსილია შეიტანოს საპრეტენზიო განაცხადი საპრეტენზიო კომისიაში, ტესტირების შედეგების გამოცხადების შემდეგ, წინამდებარე ბრძანებით დადგენილ ვადებში.

2. პრეტენზიის წარდგენისას აპლიკანტმა თან უნდა იქონიოს პირადობის მოწმობა/პასპორტი.

3. დარღვევის ფაქტის თაობაზე წარდგენილი პრეტენზია შეიძლება ეხებოდეს:

ა) პრეტენზიის წარმდგენი აპლიკანტის უფლებების დარღვევას სხვა აპლიკანტების მიერ;

ბ) სხვა აპლიკანტის მიმართ ტესტირების პროცედურის დადგენილი წესის დარღვევას სხვა აპლიკანტების მიერ (აპლიკანტისათვის დახმარების აღმოჩენა და ა.შ);

გ) სტუ-ს მიერ აპლიკანტის მიმართ ტესტირების პროცედურის დადგენილი წესის დარღვევას;

დ) ტესტირების პროცედურის სხვა დარღვევებს.

4. საპრეტენზიო კომისია პრეტენზიების განხილვას იწყებს განცხადების შეტანის ვადის ამოწურვისთანავე და მიღებულ გადაწყვეტილებას აცნობს აპლიკანტს წინამდებარე ბრძანებით დადგენილ ვადებში.

ტესტირების საპრეტენზიო კომისიის კომისიის შემადგენლობა

1. გიორგი აბრამიშვილი - სასწავლო პროცესის მეთოდური უზრუნველყოფის დეპარტამენტის უფროსი (კომისიის თავმჯდომარე);
2. ოთარ გელაშვილი - სატრანსპორტო და მანქანათმშენებლობის ფაკულტეტის დეკანი (კომისიის წევრი);
3. ნათია ბუთხუზი - სატრანსპორტო და მანქანათმშენებლობის ფაკულტეტის ხარისხის სამსახურის უფროსი (კომისიის წევრი);
3. ნია ნათბილაძე - სატრანსპორტო და მანქანათმშენებლობის ფაკულტეტის პროფესორი (კომისიის წევრი);
4. ლელა გერგეშლიძე - „ფეხსაცმლისა და ტყავის წაკეთობათა წარმოება“ პროგრამის ხელმაძღვანელი (კომისიის წევრი);